

Ժողովուրդ

111
(3320)

4 սեպտեմբերի ուրբաթ 2026
տպագրության ԺԵ տարի

Ք. Երևան, Արմավյան 22ա/3 (0010) + 374 10 546423 info.armlur@gmail.com, info.zhoghovurd@gmail.com

100 դրամ

ՆԱԽԱՐԱՐԸ ՀԱՆԱԴԱՐՁՈՒՄ Է ՄԱՄՈՒԼԻՆ



«Ժողովուրդ» օրաթերթի հրապարակումից հետո ՀՀ աշխատանքի եւ սոցիալական հարցերի նախարար Արսեն Թորոսյանը հայտարարել է, թե մեր կյանքի վերնագիրը «պարզապես կեղծ է», եւ փորձել է հերքել անհերքելիս:

Սակայն նախարարի հակադարձումը չի պատասխանում մեր հրապարակման հիմնական հարցին: Ավելին՝ նրա բերած փաստարկները հիմնված են հենց այն պաշտոնական պատասխանի վրա, որը «Ժողովուրդ» օրաթերթը ստացել է նախարարությունից:

Նախարարն իր գրառման մեջ նշում է. «Իրականության մեջ, սակայն, որեւէ նման խնդիր չկա, եւ մայրության նպաստների վճարումը տեղի է ունենում բնականոն եւ սահմանված ընթացակարգով»:

Սակայն նախարարության՝ մեր հարցմանը տված պաշտոնական պատասխանում նման պնդում չկա: Ընդհակառակը՝ նախարարությունը մանրամասն նկարագրում է, թե ինչ ժամկետներում պետք է իրականացվի նպաստների հաշվարկն ու վճարումը, եւ նշում է, որ նպաստները վճարվում են յուրաքանչյուր ամիս երկու փուլով՝ ամսվա 5-10-ը եւ 25-30-ը:

Նույն պատասխանում նախարարությունը հստակ գրում է. «Ժամանակավոր անաշխատունակության եւ մայրության նպաստները վճարվում են հաշվարկման եւ նշանակման ամսվա աշխատավարձի վճարման համար օրենսդրությամբ սահմանված ժամկետում (մինչեւ տվյալ ամսվա հաջորդող ամսվա 15-ը)»:

Այսինքն՝ պետությունն ինքն է սահմանել վճարման կոնկրետ ժամկետ: Հետեւաբար, քաղաքացիների կողմից բարձրաձայնվող հարցը՝ այդ ժամկետից ուշացած վճարումներ եղել են, թե՛ ոչ, լիովին օրինաչափ հարց է:

Մանրամասները՝ ArmLur.am կայքում

«Ժողովուրդ» օրաթերթի տեղեկությունների համաձայն՝ ՀՀ քննչական կոմիտեում քննարկվում է Երևան քաղաքի վարչության պետ Ռաֆայել Վարդանյանի ազատման հարցը: Բանն այն է, որ երկու ուժային կառույցները՝ ՆԳՆ ոստիկանությունն ու քննչական կոմիտեն, բախվել են իրար եւ առայժմ հաղթում է քննչականը: ArmLur.am-ը հայտնել էր, որ Հակակոռուպցիոն կոմիտեում ակտիվ քննություն է ընթանում քննչական կոմիտեում ոստիկանին խոշտանգելու դեպքով: ArmLur.am-ին հասած տեղեկությունների համաձայն՝ հակակոռուպցիոն կոմիտե է հրավիրվել եւ հարցաքննվել ՀՀ քննչական կոմիտեի Երևան քաղաքի վարչության պետ Ռաֆայել Վարդանյանը: Հիշեցնենք՝ օգոստոսի 22-ին հայտնել էինք, որ ՆԳՆ ոստիկանության Եղվարդի բաժնի օպերիվագոր Սարգիս Աղասի Բագրատունյանը ծեծի էր ենթարկվել, ու տեւական ժամանակ շտապօգնության աշխատակիցներին թույլ չէին տվել մտնել քննչական վարչություն, դեպքի վերաբերյալ ահազանգ էր ստացել նաեւ ՀՀ մարդու իրավունքների պաշտպանի գրասենյակը: Ըստ ոստիկանի հարազատների՝ ծեծի անմիջական մասնակից է եղել Ռաֆայել Վարդանյանը, եւ հենց նրա մասնակցությամբ են քննիչները ծեծի ենթարկել ոստիկանության աշխատակցին: Ոստիկանության աշխատակից օպերիվագոր Սարգիս Աղասի Բագրատունյանը այս պահին կալանավորված է:

Հարունակությունը՝ ArmLur.am կայքում



«Ժողովուրդ» օրաթերթը շարունակում է ներկայացնել Սահմանադրական դատարանի դատավորների ունեցվածքն ու դրա փոփոխությունները տարիների ընթացքում: Այս անգամ ուսումնասիրել ենք ՍԴ դատավոր Արթուր Վաղարշյանի մասնագիտական ուղին, ինչպես նաեւ նրա ունեցվածքը: 2021 թվականի հայտարարագիրը ցույց է տալիս, որ Արթուր Վաղարշյանի անունով այդ ժամանակ առկա է եղել 8 միավոր անշարժ գույք: Դրանց թվում են Երևանի Արաբկիր վարչական շրջանում գտնվող բազմաբնակարան բնակելի շենքի գույքը, ինչպես նաեւ Գեղարքունիքի մարզի Լճաշենում գտնվող մի քանի հողամաս եւ անհատական բնակելի տուն՝ տնտեսական շինություններով: Գույքի մի մասը համատեղ սեփականություն է, իսկ Լճաշենի հողամասերից մեկը՝ միանձնյա սեփականություն: Բնակելի տունը ծեծք է բերվել ժառանգությամբ՝ 1993 թվականին, իսկ Երևանի անշարժ գույքը՝ գնմամբ, 2001 թվականին: 2021 թվականին նոր անշարժ գույք չի ձեռք բերվել, ինչպես նաեւ որեւէ գույք չի օտարվել: Տարվա վերջում հայտարարագրված է եղել նույն 8 անշարժ գույքը: Վաղարշյանը հայտարարագրել է նաեւ երկու ավտոմեքենա՝ 2007 թվականի LEXUS եւ 1993 թվականի OPEL: Երկուսն էլ ծեծք են բերվել ավելի վաղ՝ համապատասխանաբար 2013 եւ 2002 թվականներին:

Մանրամասները՝ ArmLur.am կայքում



Եվրամիության արտաքին գործողությունների ծառայությունը հրապարակել է «2025 Human Rights and Democracy in the World» տարեկան զեկույցը, որի առանձին բաժինը վերաբերում է Հայաստանին: «Ժողովուրդ» օրաթերթի ուսումնասիրությունը ցույց է տալիս, որ ԵՄ գնահատականը երկակի է. մի կողմից՝ արձանագրվում են դատական, ոստիկանական եւ սահմանադրական բարեփոխումներ, մյուս կողմից՝ նշվում են մի շարք խնդիրներ՝ ոստիկանության կողմից ուժի հնարավոր չարաշահումներից մինչեւ դատական անկախության պակաս, նախնական կալանքի լայն կիրառում եւ քրեական արդարադատության հնարավոր օգտագործում այլակարծությունը ճնշելու համար: ԵՄ-ն նշում է, որ 2025-ին Հայաստանը շարունակել է մարդու իրավունքների պաշտպանության ոլորտի բարեփոխումները, սակայն քաղաքացիական հասարակությունը քննադատել է դրանց հետեւողականությունն ու առաջընթացը: Զեկույցի համաձայն՝ Հայաստանում շարունակվել են դատական համակարգի բարեփոխումները՝ դատավորների բարեվարքությունը, հաշվետվողականությունն ու արդյունավետությունը բարձրացնելու նպատակով:

Հարունակությունը՝ ArmLur.am կայքում



ՀԱՐՑԱԶԳՐՈՒՅՑ

«ԹՇՆԱՄԻՆ ՉԻ ՀՐԱԺԱՐՎԵԼՈՒ ԻՐ ԾՐԱԳՐԵՐԻՑ»

ArmLur.am-ը գրուցել է «Վերածնվող Արցախ» հ/կ նախագահ Անասաս Խաչատրյանի հետ: Ձրույցի ընթացքում քննարկվել են Արցախի, Հայաստանի ներքինական իրավիճակի, իշխանությունների վարած քաղաքականության և այլ կարևոր հարցեր:

- Պարոն Խաչատրյան, այսօր այցելել եք Եռաբլուր՝ Նշեյու Արցախի անկախության օրը: Ի՞նչ կարեւորություն ունի այս օրը հատկապես այսօր, եւ ռՊՆ է օրվա հրամանականը:

- Այո, այսօր մենք գտնվում ենք Եռաբլուրում Արցախի անկախության օրը Նշեյու եւ մեր հարգանքի տուրքը մատուցելու մեր զոհված տղաներին: Եռաբլուրը հենց այն վայրն է, որտեղ ամփոփված են այն տղաների մարմինները, որոնց շնորհիվ Արցախը կարողացավ ձեռք բերել եւ պաշտպանել իր անկախությունը: Այսօրվա պայմաններում մենք պետք է շարունակենք կիսատ թողած գործը: Անկախությունը միշտ պայքար է պահանջում թե՛ այն ձեռք բերելու, թե՛ պաշտպանելու եւ պահպանելու համար: Անկախության գաղափարը ենթադրում է պայքարի ճանապարհով առաջ գնալու պատրաստակամություն: Այսօր մենք ակնհայտ ենք լինում Նրան, որ թե՛ ներկա իշխանության, թե՛ քաղաքական դաշտի որոշ ներկայացուցիչների կողմից փորձում են մոռացության մատնել Արցախի հարցը: Ես ամբողջովին հակառակ եմ նման մոտեցումներին, որովհետեւ Արցախի անկախությունը Հայաստանի Հանրապետության եւ հայ ժողովրդի անվտանգության կարենորակ աղբյուրներից մեկն է եղել: Եթե պատմական Նշանակություն ունեցող այսպիսի հանգամանքները չամրապնդենք եւ շարունակենք մոռացության մատնել, ապա հետագայում մեր ժողովուրդը տարածաշրջանում ունենալու է ավելի մեծ եւ ավելի լուրջ խնդիրներ:

Մեր խնդիրը պատմական թշնամու հետ պայքարն է: Պատմությունից քաղած դասերը ցույց են տալիս, որ այդ թշնամու ծրագրերը չեն փոխվել, եւ մենք պետք է կարողանանք դրանց հակադրել մեր կամքը, ուժն ու դիմադրությունը:

Այսօր, երբ Մայր Հայաստանը գտնվում է ծանր իրավիճակում, մենք համոզվեցինք, որ Արցախի կործանումից հետո սկսվեցին շատ ավելի լուրջ խնդիրներ: Արցախի կորուստը բոլորիս համար պետք է դառնա ազդակ՝ վերականգնելու մեր պայքարի ուժն ու կամքը:

Թշնամին չի հրաժարվելու իր ծրագրերից եւ պահանջներից: Իսկ մենք, որպես հազարամյակների պատմություն ունեցող ժողովուրդ, պետք է կարողանանք հակադրել դրան մեր քայլերը՝ ոչ միայն խոսքով, այլեւ կոնկրետ գործողություններով:

Ամփոփելով՝ կարող եմ ասել, որ Արցախի հայկական վերականգնման եւ մեր ժողովրդի լավ ապագայի հնարավորությունը կլինի այն ժամանակ, երբ մեր պատմական Նշանակություն ունեցող հարցերը մշտապես առաջնային լինեն եւ մասն մեր օրակարգում:



- Պարոն Խաչատրյան, այսօր որքանով եք վճռական տրամադրված պահպանելու Արցախի պետական ինստիտուտները: Տարբեր խոսակցություններ կան Նաեւ դրանց գործունեության վերաբերյալ, քննարկում պետք է լինե, որը հետագայում չեղարկվեց: Ձեզ հայտնի է՝ որն էր պատճառը: Եւ մենք տեղեկություն ունենք, որ Պուլ Նոր Նախաձեռնություն եք սկսել՝ «Արցախի ծայր»:

Ինչո՞ւ որոշեցիք կրկին հանդես գալ առանձին Նախաձեռնությամբ:

- Վերջին ժամանակներում Ձեր Նշած հարցի հետ կապված տեղի ունեցող զարգացումներն ինձ ստիպեցին «Արցախի ծայր» Նախաձեռնության ներքո սկսել այս աշխատանքը: Նպատակն է մշտապես բարձրաձայնել Արցախի անունը, Արցախի հարցի կարեւորությունը եւ Արցախի ժողովրդի՝ իր հայրենիք վերադարձի իրավունքի մասին:

Այս իրավիճակն է ստիպում ինձ եւ ինձ նման մարդկանց գնալ նման քայլերի:

Մենք ունենք Արցախի պետական կառույցներ, որոնք Արցախի ժողովրդի տեղահանումից հետո շարունակում են իրենց գործունեությունը: Սակայն անցած երեք տարիների ընթացքում, իմ գնահատմամբ, իրենց դրսևորումներով կամ իրենց պատասխանատվության շրջանակում Նրանք չեն իրականացրել այն ծրագրերը եւ չեն ընտրել այն ճանապարհը, որի միջոցով հնարավոր կլինե ասպիկովել Արցախի ժողովրդի համախմբումը Մայր Հայաստանում:

Չի իրականացվել Նաեւ այնպիսի գործունեություն, որը կկարողանար ամրապնդել Արցախի ժողովրդի հույսն ու հավատը վերադարձի նկատմամբ, որպեսզի մարդիկ չարտագաղթեին եւ կարողանային մնալ Մայր Հայաստանում:

Ես դա կապում եմ Նաեւ անձնական պատկերացումների եւ որոշումների հետ: Ես, լինելով մի շարք հանդիպումների եւ քննարկումների մասնակից, եկել եմ որոշակի եզրակացության:

Մի մասը, ունենալով սեփական ունեցվածքը կորցնելու կամ դրա հետ կապված

խնդիրներ ունենալու մտավախություն, չի գնում վճռական եւ հստակ քայլերի: Մյուս մասն էլ, ներկա իշխանության կողմից հնարավոր ճշումների վերաբերյալ մտավախություն ունենալով, Նույնպես չի գնում անհրաժեշտ քայլերի:

Բայց ես Նորից եմ շեշտում՝ այսօր մենք գտնվում ենք Եռաբլուրում Արցախի անկախության օրը: Այստեղ մենք խոսարկում ենք այն մարդկանց գերեզմանների առաջ, ծաղիկներ ենք դնում եւ մեր հարգանքի տուրքն ենք մատուցում Նրանց:

Յուրաքանչյուր մարդ, այդ տուրքը մատուցելիս, իր գիտակցության մեջ պետք է հասկանա, որ այս տղաները զոհաբերել են իրենց կյանքը հենց այն ժամանակներում, երբ անհրաժեշտ էր կայացնել վճռական որոշումներ, որպեսզի հաղթանակ արձանագրվի:

Ներկա պայմաններում Նույնպես անհրաժեշտ է, որ պատասխանատու մարդիկ իրենց գիտակցության մեջ հասկանան՝ պետք է կայացնել վճռական որոշումներ:

Ես վստահ եմ, որ ապագայում կրկին բարենպաստ ժամանակներ են գալու, եւ Արցախի հարցը Նորից բարձրաձայնվելու է: Ես հավատում եմ, որ Արցախի ժողովրդի վերադարձի հարցը կարող է իրականություն դառնալ:

Այդ դեպքում պատասխանատու ղեկավարների պատասխանատվությունը շատ մեծ է: Նրանք, ովքեր մինչ օրս քայլեր չեն ձեռնարկում եւ չեն ծառայում ժողովրդին ու Արցախի Հանրապետությանը, այսօրվա իրավիճակում կրկնում են այն սխալները, որոնք Նախկինում թույլ են տրվել Արցախում:

Մենք տեսնում ենք ոչ բավարար աշխատանք, ոչ բավարար պայքար եւ ոչ բավարար ներգրավվածություն՝ Արցախի հարցը բարձրացնելու, պահպանելու եւ կարելու լուրջ ուղղությամբ:

Հենց դրա համար էլ «Արցախի ծայր» Նախաձեռնության Նպատակն է թույլ չտալ, որ Արցախի հարցը լռեցվի կամ մոռացության մատնվի:

Հրույց՝ ՆԱՆԻԿ ԱՂԱՍՅԱՆԸ

ՀՐԱԺԵՇՏԻ ՀԱՆԴԻՊՈՒՄ

Վարչապետ Նիկոլ Փաշինյանն ընդունել է Հայաստանում Ֆրանսիայի արտակարգ եւ լիազոր դեսպան Օլիվիե Դըկոտինյին, ով ավարտում է դիվանագիտական առաքելությունը մեր երկրում: Վարչապետը շնորհակալություն է հայտնել դեսպանին սերտ համագործակցության եւ Հայաստան-Ֆրանսիա հարաբերությունների հետեւողական զարգացմանը Նպաստելու համար: Նիկոլ Փաշինյանը, մասնավորապես, ընդգծել է երկու երկրների միջեւ ռազմավարական գործընկերության հաստատման, ինչպես Նաեւ տնտեսության, ենթակառուցվածքների, մշակույթի եւ այլ ուղղություններով կապերի խորացման ու ընդլայնման փաստը:

Օլիվիե Դըկոտինյին իր հերթին եւս շնորհակալություն է հայտնել վարչապետին եւ ՀՀ Կառավարությանը՝ աջակցության, համատեղ աշխատանքի եւ արդյունավետ փոխգործակցության համար: Դեսպանը համոզմունք է հայտնել, որ երկու երկրների միջեւ փոխգործակցությունը կշարունակի ընդլայնվել, այդ թվում՝ համատեղ Նոր ծրագրերի իրականացման արդյունքում: Հանդիպման ընթացքում մտքեր են փոխանակվել Հայաստան-Ֆրանսիա համագործակցության օրակարգային հարցերի շուրջ:

Վարչապետ Փաշինյանը դեսպանին մաղթել է հաջողություններ հետագա գործունեության ընթացքում:

ՔԱՂԱՔԱՊԵՏԻ ԽՈՄՆԱԿ Է ՆՇԱՆԱԿՎԵԼ

ՔՊ-ական Նախկին պատգամավոր Ջուլիետա Ազարյանը հայտնում է.

«Սիրելի՛ ընկերներ, գործընկերներ, ԶԼՄ-ների հարգելի ներկայացուցիչներ, այսօրվանից ստանձնում եմ Երեւանի քաղաքապետի մամուլի խոսնակի պաշտոնը:

Ինձ համար սա առաջին հերթին մեծ պատասխանատվություն է՝ ներկայացնելու Երեւանի քաղաքապետարանի աշխատանքը, քաղաքապետի եւ քաղաքապետարանի թիմի գործունեությունը, ինչպես Նաեւ ապահովելու հանրության եւ ԶԼՄ-ների հետ բաց, օպերատիվ եւ արդյունավետ հաղորդակցություն:

Գիտակցում եմ, որ մամուլի խոսնակի աշխատանքը միայն տեղեկատվություն փոխանցելը չէ: Այն Նաեւ պատասխանատվություն է՝ լինել հասանելի, ճշգրիտ եւ հետեւողական, լսել հարցերը, ասպիկովել պատշաճ հաղորդակցություն եւ հանրությանը ներկայացնել Երեւանի կյանքին ու քաղաքային կառավարմանը վերաբերող կարեւոր գործընթացները:

Հատկապես ուզում եմ ընդգծել իմ պատրաստակամությունը՝ սերտ եւ գործընկերային աշխատանք կառուցելու բոլոր լրատվամիջոցների եւ լրագրողների հետ:

Առանձնահատուկ շնորհակալություն եմ հայտնում Երեւանի քաղաքապետ Տիգրան Ավինյանին՝ ցուցաբերած բարձր վստահության եւ այս պատասխանատու պաշտոնն ինձ վստահելու համար»:

ՀԱՅՏԱՐԱՐԱԳԻՐ

Ո՞Վ Է ԿՈՄԻՏԵԻ ՆՈՐԱՆՇԱՆԱԿ ՆԱԽԱԳԱՀԸ

Կառավարության որոշմամբ Խաչատուր Խաչիկյանը նշանակվել է Միջուկային անվտանգության կարգավորման կոմիտեի նախագահ: Խաչիկյանը մինչ այս զբաղեցնում էր նույն կոմիտեի նախագահի առաջին տեղակալի պաշտոնը՝ այդ պաշտոնին նշանակվելով 2018 թվականի օգոստոսի 2-ին:

«Ժողովուրդ» օրաթերթը ուսումնասիրել է Խաչատուր Խաչիկյանի ունեցվածքը, հասկանալու համար, թե ինչ ունեցվածք ունի նա: 2025 թվականի հայտարարագրի համաձայն՝ Խաչիկյանը ունի երեք անշարժ գույք՝ բոլորը Երեւանում: Դրանցից մեկը բնակարան է, որի նկատմամբ նա ունի 19/80 բաժնեմաս: Այն ձեռք է բերել 2015 թվականին՝ Ժառանգությամբ: Մյուս երկու գույքերը համատեղ սեփականության բնակելի տուն են բնակարան են: Բնակելի տունը ձեռք է բերվել 2024 թվականին, իսկ բնակարանը՝ 2003 թվականին: 2025 թվականին նոր անշարժ գույք չի ձեռք բերել եւ որեւէ գույք չի օտարել:

Խաչիկյանը հայտարարագրել է նաեւ 2023թ. արտադրության Honda մակնիշի ավտոմեքենա, որը ձեռք է բերել 2024 թվականի հունվարին:

Նրա բանկային հաշիվներում տարվա սկզբում առկա է եղել 89 հազար 865 դրամ, 113 եվրո եւ 69.7 ԱՄՆ դոլար: Տարվա վերջում դրամային հաշիվների մնացորդները կազմել են 1 մլն 919 հազար 831 դրամ, իսկ եվրոյի եւ դոլարի մնացորդները՝ համապատասխանաբար 4.53 եվրո եւ 7.44 դոլար: Բացի այդ, տարեվերջին նա հայտարարագրել է 1 մլն դրամ կանխիկ գումար: Էլեկտրոնային հաշիվներում առկա է եղել 16 հազար 65 դրամ:

ՕՐԱՎ ԽՃԱՆԿԱՐ

ՊՈՒՏԻՆԸ ՀԱՅՏԱՐԱՐԵԼ Է

Վլադիմիր Պուտինը Արեւելյան տնտեսական համաժողովի ժամանակ հայտարարել է, որ Ռուսաստանը «հայելային պատասխան» է տվել Ուկրաինայի կողմից քաղաքացիական օբյեկտներին ուղղված հարվածների համար: Նա նշել է, որ սեպտեմբերի 2-ին ուկրաինական զինված ուժերը փորձել են հարձակվել ռուսական երեք նավթավերամշակման գործարանների վրա, գրում է Lur.com-ը:

ՌԴ նախագահ Վլադիմիր Պուտինը հայտարարել է, որ ուկրաինական զինված ուժերը հարվածներ են հասցնում Ռուսաստանի քաղաքացիական օբյեկտներին, ինչի պատճառով Մոսկվան, Նրա խոսքով, ստիպված է եղել «հայելային պատասխան» տալ: Այս մասին նա ասել է Արեւելյան տնտեսական համաժողովի լիագումար նիստում:



2025 թվականի ընթացքում Խաչիկյանի ընդհանուր հայտարարագրված եկամուտը կազմել է 23 մլն 39 հազար 141 դրամ: Դրանից 19 մլն 91 հազար 191 դրամը աշխատանքի վարձատրությունն է, 2 մլն 327 հազար 950 դրամը՝ եկամտային հարկի վերադարձը, իսկ 1 մլն 620 հազար դրամը՝ ստացել է վարձակալությունից: Նորանշանակ նախագահը հայտարարագրել է նաեւ երկու վարկային պարտավորություն: 2025 թվականի դեկտեմբերի 31-ի դրությամբ դրանց մայր գումարի մնացորդը ընդհանուր կազմել է 9 մլն 975

հազար 388 դրամ: 2025 թվականին Խաչիկյանը հանգստի նպատակով կատարել է 2 մլն դրամի ճանապարհածախս եւ կեցության ծախս:

Այսպիսով, նորանշանակ պաշտոնյան կոմիտեի նախագահի պաշտոնին է անցնում ունենալով երեք անշարժ գույք, 2023 թվականի արտադրության Honda ավտոմեքենա, շուրջ 2 մլն դրամ բանկային հաշիվների մնացորդներ, 1 մլն դրամ կանխիկ գումար եւ շուրջ 10 մլն դրամ վարկային պարտավորություններ:

ՍՈՍԱ ԳՐԻԳՈՐՅԱՆ

ԶԱՐԳԱՆՈՒՄ ԵՆ

Վաշինգտոնի գազաթնաժողովից ի վեր մենք ապրում ենք խաղաղության պայմաններում: Ադրբեջանի եւ Հայաստանի միջեւ ռազմական լարվածություն չի եղել: Ըստ ԱՊԱ-ի՝ այս մասին հայտարարել է Ադրբեջանի նախագահի հատուկ ներկայացուցիչ Էլչին Ամիրբեկովը՝ ելույթ ունենալով Բաքվում կայացած «-Քաղաքային վերակառուցման համար մարդասիրական ականագերծում. անվտանգ համայնքների համար գերազանցության չափանիշների սահմանում» թեմայով 4-րդ միջազգային համաժողովում: Նրա խոսքով, կառավարությունների եւ հասարակությունների միջեւ երկխոսությունը շարունակվել է, առևտրային եւ տնտեսական կապերը սկսվել են, եւ զարգանում են կապի եւ հաղորդակցության ոլորտներում նախագծերը:

«Միեւնոյն ժամանակ, մեր հասարակություններից ակնկալվում է, որպեսզի նրանք ապագային նայեն այլ աչքերով: Սա իսկապես պատմական հնարավորություն է: Այնուամենայնիվ, խաղաղությունը չի ստեղծվում միայն քաղաքական համաձայնագրերով: Խաղաղությունը պետք է տեսանելի եւ շոշափելի լինի տեղում, մարդկանց առօրյա կյանքում: Յուրաքանչյուր նոր զրի ոչ միայն մարդասիրական ողբերգություն է, այլ նաեւ հոգեբանական հարված է ընտանիքներին: Այն նաեւ հիշեցնում է հասարակությանը, որ պատերազմը դեռեւս ամբողջությամբ անցյալի մաս չէ, եւ սա անխուսափելիորեն բացասաբար է անդրադառնում կարգավորման գործընթացի նկատմամբ հանրային վստահության վրա», - նշել է Ամիրբեկովը:

ՔԱՅԼ ՀԵՆՅ ԵՐԵՎԱՆԻ ԳԵՄ

Հնարավոր է, որ Հայաստանի կողմից Ռուսաստանի քաղաքացիների համար վիզային ռեժիմի սահմանումը քայլ լինի, որն ուղղված է ոչ թե Մոսկվայի, այլ հենց Երեւանի դեմ, Արեւելյան տնտեսական համաժողովում հայտարարել է ՌԴ ԱԳՆ պաշտոնական ներկայացուցիչ Մարիա Զախարովան, հաղորդում է ՌԻԱ Նովոստի-ն: «Եթե Հայաստանը հանկարծ նաեւ վիզաներ մտցնի, ապա դրանք կմտցնի ոչ թե մեր դեմ, այլ իր սեփական քաղաքացիների դեմ», - լրագրողներին ասել է Զախարովան: Նա ընդգծել է, որ այդ որոշումը կանդորառնա նաեւ Ռուսաստանի այն քաղաքացիների վրա, ովքեր Հայաստանում բազմաթիվ ազգականներ ունեն:

ՑԱՆԿՈՒԹՅՈՒՆԸ ԸՈՒՏՈՎ ԿԵՈՐԻ

Հայաստանի մոտ շուտով կկորի Եվրոպական միությանն անդամակցելու ցանկությունը, հայտարարել է ՌԴ արտաքին գործերի նախարար Սերգեյ Լավրովը, հաղորդում է ՌԻԱ Նովոստի-ն: «Տնտեսապես Եվրոպական միությունը, բազմաթիվ գործոնների բերումով, ներառյալ իր կարճատեսությունը, չասելու համար՝ հիմարությունը, կորցնում է իր առավելությունները: Իներցիայով երկրները՝ մեր սերը բարեկամները, հիմա էլ մեր հայ գործընկերները, ձգտում են անդամակցել ԵՄ-ին: Վստահ եմ, որ նրանց մոտ այդ ցանկությունը շատ շուտով կկորի», - ասել է Լավրովը Արեւելյան տնտեսական համաժողովի շրջանակներում: Նա նշել է, որ Եվրոպական միությունը այսօր իր բոլոր տնտեսական առավելությունները մսխում է:

տանի դեմ եւ Հայաստանի կողմից ներկայացվող միջազգային դատական ու արբիտրաժային գործընթացների համատեքստում:

Հիշեցնենք, որ Անդրեասյանը ԲԴԽ նախագահի պաշտոնից հրաժարական էր ներկայացրել 2024 թվականի նոյեմբերին, իսկ 2025 թվականի օգոստոսին նշանակվել էր միջազգային իրավական հարցերով ՀՀ ներկայացուցիչ:

Ս. Գ

ՔՆՆԱՐԿԵԼ ԵՆ TRIPP-Ի ԻՐԱԿԱՆԱՅՈՒՄԸ

ՀՀ եւ ԱՄՆ համատեղ պատմիրակությունը այցելել է Սյունիք՝ «Թրամփի ուղի՝ հանուն միջազգային խաղաղության եւ բարեկեցության» (TRIPP) ծրագրի իրականացման հարցերը քննարկելու նպատակով, գրում է Lur.com-ը:

Գործիսում, Կապանում եւ Մեղրիում հանդիպումներ են անցկացվել համայնքների ներկայացուցիչների հետ: Քննարկվել են տարածաշրջանային կապերի ընդլայնման եւ հատկապես Սյունիքի համար նոր տնտեսական հնարավորությունների ստեղծման հեռանկարները:

Հանդիպումներին մասնակցել են ՀՀ ԱԳՆ եւ միջազգային առևտրի ոլորտի ներկայացուցիչներ, ԱՄՆ գործերի ժամանակավոր հավատարմատար Ղեյվիդ Ալենը, ԱՄՆ Պետքարտուղարության ավագ խորհրդական Ջոն Ասքոնսաթը եւ ամերիկյան AECOM ինժեներական ընկերության ներկայացուցիչները:

ՄԱՐԶ

ՆՈՐՈԳՄԱՆ ԿԱՐԻՔ ՈՒՆԵՆ

Օգոստոսի 24-ին Տավուշի մարզպետ Յայկ Ղալումյանին տեղեկատվական հարցում են կատարել. «Օգոստոսի 24-ի դրությամբ Տավուշի մարզպետի աշխատակազմի ենթակայությամբ գործող բուժփինանարկների շենքերից քանի՞սը կարիք ունի վերանորոգման, քանի՞սը՝ հիմնանորոգման եւ քանի՞սը՝ նորի կառուցման»: Տավուշի մարզպետի աշխատակազմի գլխավոր քարտուղար Արման Գետրոյանի ստորագրությամբ պատասխանում նշված է. «ՀՀ Տավուշի մարզպետի աշխատակազմի ենթակայության բուժփինանարկներից վերանորոգման կամ հիմնանորոգման կարիք ունի 1 ամբուլատորիա եւ ամբուլատորիաների կազմում գործող 5 բուժականանկաբարձական կետ: Պլանավորված է Ջորականում կառուցել բժշկական ամբուլատորիա: Կառուցվել է Սեւքարի ամբուլատորիայի Սարիգյուղի բուժականանկաբարձական կետը (գործում է), շուտով շահագործման կհանձնվի Գետահովիտի ԱԼՊԿ-ի շենքը, կառուցման փուլում են Այրումի եւ Կողբի բժշկական ամբուլատորիաների շենքերը»: Նիկոլ Փաշինյանի իշխանությունը այս տարվա առաջին կիսամյակի արդյունքներով 5 միլիարդ դրամ պարգևավճարներ է հատկացրել ոչ արդյունավետ աշխատող, աշխատանքային նվաճումներ, դրական արդյունքներ չունեցող պետական պաշտոնյաներին, Տավուշի մարզպետի աշխատակազմի աշխատողները, բացի համեմատաբար բարձր աշխատավարձերը, տարեկան շուրջ 65 միլիոն դրամ պարգևավճարներ են ստանում, իսկ Տավուշի մարզի պետական առողջապահական շատ հիմնարկությունների շենքեր տարիներ շարունակ անսխիթար վիճակում են, չեն նորոգվում, դրանց վերանորոգման համար պետությունեից գումարներ չեն հատկացվում:

ՈՐՏԵՂ ԵՆ ՀՈԳԱՅԵԼ ԿԱՐԻՔՆԵՐԸ

Դիլիջանի համայնքապետարանի ինտերնետային կայքը հայտնում է. «Դիլիջանը շարունակում է ամրապնդել իր դիրքը՝ որպես Հայաստանի զբոսաշրջության ամենաարագ զարգացող ուղղություններից մեկը: Meet Dilijan-ի գնահատականների համաձայն՝ 2025 թվականին քաղաք է այցելել շուրջ 243 800 մարդ՝ 5,7%-ով ավելի, քան նախորդ տարի: 2024 թվականին Դիլիջանն ընդունել էր 230 658 այցելու»: Դիլիջան քաղաքում հասարակական զուգարաններ չկան, ինչից տուժում են այդ քաղաքի բնակիչները եւ հյուրերը: 2025թ.-ին Դիլիջան այցելած ավելի քան 243 հազար զբոսաշրջիկները որտե՞ղ են հոգացել իրենց բնական կարիքները: Դիլիջանի համայնքապետարանը մեծ թափով հողամասեր է օտարում, դրանց վաճառքի գումարներով լցնում համայնքի բյուջեն: Դիլիջան համայնքի բյուջեն բավարար միջոցներ ունի տուրիստական քաղաքում մի քանի հասարակական զուգարաններ կառուցելու համար, սակայն համայնքի ղեկավար Դավիթ Սարգսյանն այդ գործը չի կատարում:

ՆՍԿԱՆ ՍԱՐԳՍՅԱՆ

ՆՈՐ ՆՇԱՆԱԿՈՒՄ

ԵՊՀ ՌԱԶՄԱՎԱՐԱԿԱՆ ՊԼԱՆԱՎՈՐՄԱՆ ԿԵՆՏՐՈՆԻՑ՝ ԿԳՄՄ

ArmLur.am-ը **սեղեկացավ, որ վառապետ Նիկոլ Փաշինյանի որոշմամբ ՍՏՏԱ Բարաջանյանը նշանակվել է ՀՀ կրթության, գիտության, մշակույթի եւ սպորտի նախարարի տեղակալի պաշտոնում:**

Աննա Բարաջանյանը ծնվել է 1993 թվականի սեպտեմբերի 15-ին՝ Երեւանում: Սովորել է Երեւանի Դ. Դեմիրճյանի անվան թիվ 27 դպրոցում:

Բարձրագույն կրթությունը ստացել է Հայաստանում եւ Միացյալ Թագավորությունում: 2010-2014 թվականներին սովորել է Երեւանի պետական համալսարանում՝ ստանալով բակալավրի աստիճան «Լեզվաբանություն եւ միջմշակութային հաղորդակցություն» մասնագիտությամբ: 2014-2016 թվականներին ուսումը շարունակել է Հայաստանի ամերիկյան համալսարանում՝ ստանալով մագիստրոսի աստիճան անգլերենի՝ որպես օտար լեզվի դասավանդման մասնագիտությամբ:

2017-2018 թվականներին Բարաջանյանը սովորել է Քեմբրիջի համալսարանում՝ ստանալով կրթության մագիստրոսի (MPhil) աստիճան՝ «Գլոբալիզացիա եւ միջազգային զարգացում» մասնագիտացմամբ:

Նրա մասնագիտական փորձը հիմնականում կապված է կրթության կառավարման, ռազմավարական պլանավորման, կրթական քաղաքականության մշակման, հետազոտությունների եւ դասավանդման ոլորտների հետ:

2015-2017 թվականներին աշխատել է Երեւանի Անաիա Շիրակացու անվան ճեմարանում՝ որպես անգլերենի ուսուցիչ: 2016-2017 թվականներին միաժամանակ դասավանդել է Հայաստանի ամերիկյան համալսարանի «Բաց կրթություն» Դիլիջանի մասնաճյուղում:

2018-2019 թվականներին ներգրավված է եղել հետազոտությունների միջազգայնացման խթանմանն ուղղված C3QA Erasmus+ ծրագրի աշխատանքային խմբում, ինչպես նաեւ աշխատել է որպես ԿԳՄՍ Նախարարի տեղակալի օգնական:

2019-2020 թվականներին եղել է Երեւանի Գարեգին Նժդեհի անվան թիվ 161 հիմնական դպրոցի կառավարման խորհրդի անդամ:

ՎԵՐԱԴՈՐԶՎԵԼ Է

Արարատի մարզի դատախազությունը, պետական (համայնքային) շահերի պաշտպանության լիազորության շրջանակում, ուսումնասիրել է Արարատի քաղաքային զբոսայգու տարածքում գտնվող հողամասերը տարբեր անձանց տրամադրելու վերաբերյալ փաստաթղթերը:

Ուսումնասիրության արդյունքում, ի թիվս այլնի, պարզվել է, որ Արարատ համայնքի Նախկին ղեկավար Ա.Բ.-ն, խախտելով իրավահարաբերության ծագման պահին գործող Հողային օրենսգրքի 77-րդ հոդվածի 1-ին մասի պահանջները, Արարատ քաղաքի Այգի 7 հասցեում գտնվող 0.0640 հա մակերեսով հողամասը 2008 թվականի մարտի 10-ին կառուցապատման իրավունքով՝ 99 տարի ժամկետով, հատկացրել է տվյալ ժամանակահատվածում ՀՀ ոստիկանության Արարատի մարզային վարչության պետի պաշտոնը զբաղեց-



2019-2022 թվականներին որպես համակարգող փորձագետ ներգրավված է եղել Հանրակրթության պետական նոր չափորոշի մշակման աշխատանքային խմբում՝ Համաշխարհային բանկի EU4Innovation ծրագրի շրջանակում:

2020 թվականին աշխատել է Հայաստանի գիտության եւ տեխնոլոգիաների հիմնադրամում (FAST)՝ որպես ռազմավարական վերլուծաբան:

2021-2022 թվականներին Հայաստանի ամերիկյան համալսարանի «Բաց կրթություն» բաժնում համակարգել է HSBC Հայաստանի «Quality Professionals for Quality Jobs» ծրագիրը:

2022 թվականին ՄԱԿ-ի Հայաստանում համակարգողի գրասենյակի շրջանակում որպես ազգային խորհրդատու ներգրավված է եղել «Կրթության վերափոխման գլոբալ գազաթնաժողովի» աշխատանքներում:

2022-2026 թվականներին Բարաջանյանը ղեկավարել է Երեւանի պետական համալսարանի Ռազմավարական պլանավորման կենտրոնը: 2023-2026 թվականներին միաժամանակ եղել է «KPI4HE» Erasmus+ ծրագրի աշխատանքային խմբի անդամ:

Բացի մասնագիտական գործունեությունից՝ նա մասնակցել է մի շարք միջազգային վերապատրաստումների եւ հետազոտական ծրագրերի:

Աննա Բարաջանյանը տիրապետում է անգլերեն եւ ռուսերեն լեզուներին: Ամուսնացած է:

2026 թվականի սեպտեմբերի 2-ից Աննա Բարաջանյանը ստանձնել է ՀՀ կրթության, գիտության, մշակույթի եւ սպորտի նախարարի տեղակալի պաշտոնը՝ համակարգելով հանրակրթության եւ մասնագիտական կրթության ու ուսուցման ոլորտները:

ԱՆՆԱ ԿՈՐՈՆՅԱՆ

րած Հ.Պ.-ի մորը, ով իր հերթին հետագայում նշված իրավունքը նվիրել է որդուն՝ Հ.Պ.-ին:

Դատախազի կողմից միջնորդագիր է հասցեագրվել Արարատ համայնքի ղեկավարին՝ Արարատ համայնքի եւ կառուցապատողի միջեւ 2008 թվականի մարտի 10-ին կնքված կառուցապատման իրավունքը դադարեցնելու ուղղությամբ միջոցներ ձեռնարկելու վերաբերյալ:

Միջնորդագրի հիման վրա, Արարատի համայնքապետարանի իրավասու մարմինների կողմից ձեռնարկված միջոցառումների արդյունքում, 2026 թվականի սեպտեմբերի 2-ին Կադաստրի կոմիտեում դադարեցվել է Արարատ քաղաքի Այգի 7 հասցեում գտնվող 0.0640 հա մակերեսով, 1 միլիոն 201 հազար դրամ շուկայականի մոտարկված կադաստրային արժեքով հողամասի նկատմամբ գրանցված կառուցապատման իրավունքը:

Առ այսօր Արարատ համայնքի տիրապետման են վերադարձվել Արարատի քաղաքային զբոսայգու տարածքում գտնվող հետեւյալ 5 հողատարածքները՝

Արարատ քաղաքի Այգի 7 հասցեում գտնվող՝ 0.0640 հա մակերեսով հողամասը
Արարատ քաղաքի Այգի 1/1 հասցեում գտնվող՝ 0.0591 հա մակերեսով հողամասը,

Արարատ քաղաքի Այգի 6 հասցեում գտնվող՝ 0.2100 հա մակերեսով հողամասը,

Արարատ քաղաքի Այգի 10 հասցեում գտնվող՝ 0.0630 հա մակերեսով հողամասը,

Արարատ քաղաքի Շահումյան 36/5 հասցեում գտնվող՝ 0.1280 հա մակերեսով հողամասը:

Մյուս պայմանագրերի լուծման ուղղությամբ աշխատանքներն ընթացքի մեջ են:

● Մարզերում օգոստոսի 24-ից 31-ը պարեկները հայտնաբերել են չամրակապված վարելու 3410 դեպք:

ԼՈՒՐ

ԻՆՉԻ՞Ց ԷԻՆ ԹՈՒՆԱՎՈՐՎԵԼ



Հուլիսի 14-ին Հայաստանում Ֆրանսիայի դեսպանատանը կազմակերպված ընդունելության ընթացքում բաղկում մատուցված հյուրասիրությունից հետո միջոցառման 12 մասնակիցներ հիվանդանոցներ էին դիմել «սուր աղիքային վարակ» ախտորոշմամբ:

Սևոդամբերքի անվտանգության տեսչական մարմինն անմիջապես ձեռնարկել էր գործողություններ՝ պարզելու համար, թե որ փուլում են առաջացել խնդիրները:

Այսպես. վերահսկողություն է իրականացվել «Արմենիա Մարիոր» հյուրանոցում «Արմենիա Հյուրանոցային համալիր» ՓԲ ընկերության խոհանոցում: Ստուգման ընթացքում նմուշառում է կատարվել «Արաքս Թռչնաֆաբրիկա» ՓԲԸ-ի 24.07.2026 թվականի արտադրության գործարանային փաթեթվածքով հափի ֆիլեից, սպանդանոցային ծագման տեղական արտադրության խոզի մսից, «Ֆուդ Ռեփաբլիք» ՍՊԸ-ի 25.06.26 թվականի արտադրության սաղմոսի ֆիլե ծխեցված եւ 08.07.2026 թվականի արտադրության գործարանային փաթեթվածքով իշխանի ֆիլե ապխտած արտադրատեսակներից եւ ներկայացվել լաբորատոր փորձաքննության: Արդյունքում իշխանի ֆիլեն «ՄԱՖԱՆՄԶ» (մեզոֆիլ աէրոբ եւ ֆակուլտատիվ անաէրոբ մանրէներ) եւ ԱՑԻՄ (աղիքային ցուպիկի խմբի մանրէներ), իսկ հափի ֆիլեն՝ «ախտածին սալմոնելաներ», ցուցանիշներով չեն համապատասխանել օրենսդրությամբ սահմանված պահանջներին: Տրվել են տվյալ խմբաքանակների իրացումն արգելելու, շուկայից հետ կանչելու, ոչնչացնելու կամ օգտահանելու մասին կարգադրագրեր:

Բացի այդ, խոհանոցում հայտնաբերվել է պիտանիության ժամկետն անցած սևոդամբերք, մասնավորապես՝ «Պալո» տոստի հաց (արտադրված՝ 24.06.2026թ, պիտանիության ժամկետը՝ 4 օր), «Պալո» լոշիկ (արտադրված՝ 14.04.2026թ, պիտանիության ժամկետը՝ 7 օր), հաճարի պյուր (արտադրված՝ 07.11.2025թ, պիտանիության ժամկետը՝ 1 տարի) եւ պարմայի հաց՝ առանց պիտանիության ժամկետի:

Հայտնաբերված վտանգավոր սևոդամբերքը տեղում ոչնչացվել է:

Հիմնվելով լաբորատոր փորձաքննության արդյունքների վրա, ինչպես նաեւ հետազոտվողությունն ապահովելու նպատակով՝ վերահսկողական միջոցառումներ են իրականացվել նաեւ «Արաքս Թռչնաֆաբրիկա» ՓԲԸ-ում եւ «Ֆուդ Ռեփաբլիք» ՍՊԸ-ում, կատարվել են նմուշառումներ վերը նշված արտադրատեսակներից եւ ներկայացվել լաբորատոր փորձաքննության. անհամապատասխանություններ չեն արձանագրվել:

«ՊԱՐԳԵՑՎԱԾ ՄԱՔՍԱՅԻՆ ՄԻՋԱՆՑՔ»

ԱՌԱՎԵԼ ԲԱՐԵՆՊԱՍՏ ՊԱՅՄԱՆՆԵՐ

Գործադիր հավանություն է սվել «Հայաստանի Հանրապետության եւ Իրանի Իսլամական Հանրապետության սահմաններով տեղափոխվող աղյուսակների եւ տրանսպորտային միջոցների վերաբերյալ նախնական տեղեկատվության փոխանակման կազմակերպման մասին («Պարզեցված մաքսային միջանցք»)» արձանագրության նախագծի ստորագրման առաջարկությանը:

Մասնավորապես նախատեսվում է, որ «Պարզեցված մաքսային միջանցքի» կիրառման նպատակով կողմերը, միևյան պարանքների եւ տրանսպորտային միջոցների՝ մյուս կողմի պետության տարածք մուտք գործելը, էլեկտրոնային եղանակով տեղեկություններ են փոխանակելու ապրանքների, տրանսպորտային միջոցների եւ արտաքին տնտեսական գործունեության մասնակիցների, այդ թվում՝ բեռնափոխադրողների եւ նրանց աշխատակիցների վերաբերյալ՝ արձանագրությամբ սահմանվող պայմաններին համապատասխան: «Պարզեցված մաքսային միջանցքը» նախատեսվում է կիրառել այն սուբյեկտների նկատմամբ, որոնց գործունեությունը բնորոշվում է մաքսային օրենսդրության խախտման ցածր ռիսկայնությամբ: Պարզեցումները կիրառվելու են բոլոր տեսակի տրանսպորտային միջոցների, բացառությամբ անձնական օգտագործման տրանսպորտային միջոցների, եւ բոլոր տեսակի ապրանքների համար՝ հայաստանյան եւ իրանական այն սուբյեկտների նկատմամբ, որոնք կօգտվեն «Պարզեցված մաքսային միջանցքից» կամավորության սկզբունքով:

«Պարզեցված մաքսային միջանցքի» ներդրման հիմնական նպատակը արտաքին տնտեսական գործունեության օրինապահ մասնակիցների համար առավել բարենպաստ պայմանների ստեղծումն է, մասնավորապես՝ կողմերի պետությունների մաքսային մարմիններում ապրանքների մաքսային հսկողության եւ ձեւակերպումների հետ կապված ընթացակարգե-



րի արագացումը, պահանջվող փաստաթղթերի կրճատումը, ապրանքների վերաբերյալ ստացված տեղեկությունների վերլուծության հիման վրա ռիսկերի կառավարման համակարգի շրջանակներում ապրանքների նկատմամբ մաքսային հսկողության ձեւերի եւ իրականացման ծավալների նվազեցումը, որոնք կհանգեցնեն սահմանին ապրանքների բացթողման եւ սպասելաժամանակի էական կրճատմանը: «Պարզեցված մաքսային միջանցքի» ներդրման եւ գործարկման համատեքստում էական նշանակություն ունի նաեւ Մեղրիի սահմանային անցման կետի՝ ներկայումս իրականացվող արդիականացման գործընթացը՝ անհրաժեշտ շենքային պայմանների, ենթակառուցվածքային հնարավորությունների եւ տեխնիկական հագեցվածության ապահովման տեսանկյունից, ուստի «Պարզեց-

ված մաքսային միջանցքի» լիարժեք ներդրումը հնարավոր կլինի ընթացող շինարարության ավարտից հետո:

Հավանություն է տվել «Հայաստանի Հանրապետության եւ ՕՊԵԿ-ի Միջազգային զարգացման հիմնադրամի միջեւ «Հայաստանի տնտեսական վերափոխման ծրագիր» վարկային համաձայնագիրը հաստատելու մասին» ՀՀ նախագահի հրամանագրի նախագծին: 80 մլն եվրո արժողությամբ համաձայնագիրը նպատակաուղղված է ՀՀ-ում մրցակցային միջավայրի բարելավմանը եւ ներդրումների ներգրավմանը: Բյուջետային աջակցության միջոցների ստացման համար նախապայման է հանդիսանում երկկողմ փոխհամաձայնեցված քաղաքականության գործողությունների արդյունավետ սահմանված՝ մի շարք ոլորտներում միջոցառումների եւ բարեփոխումների իրականացումը:

ՀԱՓԵՏԱԿՎԵԼ Է ԱՎԵԼԻ ՔԱՆ 1 ՄԻԼԻԱՐԴ ԴՐԱՄ

Պատասխազը 2026 թվականի սեպտեմբերի 1-ին երեւան քաղաքի առաջին ասլանի ընդհանուր իրավասության քրեական դատարան է հանձնել 59 քաղաքացիներից 1 միլիարդ 73 միլիոն 486 հազար դրամ հափեցակած, եւս 19 քաղաքացիներից 38 միլիոն 879 հազար դրամի հափեցակության փորձ կատարած անձանց վերաբերյալ քրեական վարույթի նյութերը:

Քննչական կոմիտեում քննվող քրեական վարույթով պարզվել է, որ օտարերկրյա քաղաքացիներ Մ.Զ.-ն, Մ.Մ.-ն, Ա.Պ.-ն, ովս «Մաքս»-ը եւ քննությամբ չպարզված այլ անձինք 2025 թվականի սեպտեմբերի 26-ից մինչեւ 2026 թվականի ապրիլի 21-ն ընկած ժամանակահատվածում ստեղծել են մասնակցել են հանցավոր կազմակերպության գործունեությանը:

Հանցավոր կազմակերպության անդամները, փոխլրացնելով միմյանց գործողությունները, մշակել են առանձնապես խոշոր չափերով խարդախություն կատարելու միասնական մեխանիզմ: Մասնավորապես՝ «WhatsApp» եւ «Viber» հավելվածներում, օգտագործելով հանցավոր կազմակերպությանը օժանդակած Հ.Բ.-ի, Ռ.Ս.-ի եւ իրենց անվամբ գրանցված բջջային հե-

ռախոսահամարները, հանրության շրջանակում հայտնի անձանց անուններով եւ լուսանկարներով ստեղծել են կեղծ օգտահաշիվներ:

Այդ օգտահաշիվներից տվյալ անձանց ծանոթներին ուղարկվել են հաղորդագրություններ այն մասին, որ իրենց ծանոթը խնդիրներ ունի պետական տարբեր մարմինների հետ, եւ այդ կապակցությամբ իրենց հետ կապ կհաստատի ՀՀ ազգային անվտանգության ծառայության աշխատակիցը:

Այնուհետեւ, ներկայանալով որպես ՀՀ ԱԱԾ աշխատակիցներ՝ տարբեր անուններով, այդ թվում՝ «Դավիթ Աշոտի Օգանեսյան», «Կապիտան Վազգեն Հարությունյան», «Գուրգեն Լեւոնի Սիմոնյան», «Վահան Սեյրանի Պողոսյան» եւ «Արման Տիգրանի Սարգսյան», զանգահարել են քաղաքացիներին, հոգեբանական ազդեցություն գործադրել նրանց նկատմամբ, ֆինանսական միջոցների վերաբերյալ ենթադրյալ խնդիրների մասին ձեւավորել վախի եւ տաճառապի մթնոլորտ, պահանջել պահպանել զաղտնիություն եւ հետեւել իբրեւ ՀՀ կենտրոնական բանկի աշխատակցի ցուցումներին:

Այնուհետեւ, ներկայանալով որպես ՀՀ ներքին գործերի նախարարության ոստի-

կանության աշխատակից՝ «Դավիթ Նիկոլյան» տվյալով, առավել ամրապնդել են տուժածների վստահությունը:

Շարունակելով հանցավոր գործողությունները՝ հանցավոր կազմակերպության անդամները ներկայացել են նաեւ որպես ՀՀ կենտրոնական բանկի աշխատակիցներ՝ տարբեր անուններով, ներկայացրել կեղծ վկայագրեր եւ քաղաքացիներին համոզել, որ հնարավոր խնդիրներից խուսափելու նպատակով անհրաժեշտ է իրենց բանկային հաշիվներում առկա ֆինանսական միջոցները փոխանցել այլ՝ իբրեւ «անվտանգ» հաշիվների:

Հանցավոր կազմակերպության անդամները, գործելով մեկ միասնական դիտավորությամբ, ընդհանուր առմամբ 59 քաղաքացիներից հափշտակել են 1 միլիարդ 73 միլիոն 486 հազար դրամ, իսկ 19 քաղաքացիներից փորձել են հափշտակել 38 միլիոն 879 հազար դրամ:

Մ.Մ.-ի նկատմամբ հայտարարված է հետախուզում:

Քրեական վարույթից առանձնացված մասը՝ Մ.Զ.-ի, Ա.Պ.-ի, Հ.Բ.-ի եւ Ռ.Ս.-ի վերաբերյալ, հաստատված մեղադրական եզրակացությամբ, հանձնվել է իրավասու դատարան:

● «Ժողովուրդ» օրաթերթում եւ ArmLur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:

ՄՇԱԿՈՒՅԹ

ԱՃՆԱՆ ՀԱՄԱՐՆԵՐԲԱԳԵՂ ՏԱՐԲԵՐԱԿ

ՀՐԱԺԱՐՎԵԼ Է ՍՈՎՈՐԱԿԱՆ ՇԱՊԻԿՆԵՐԻՑ

Քենդալ Ջենները առճաշ համար ընկնում է ճրագեղ սարքերակ:

Քենդալ Ջենների ոճով աշխարհային կերպար

Գրեթե նույնական վերնաշապիկ՝ օրգանական բամբակից միկրոռիբ գործվածքով, 3/4 թելերով - \$20

Ամառից աշուն անցնող ջինս՝ Bella Stretch Straight - \$50


Նմանատիպ միևնույնիստական կոշիկներ՝ իտալական կաշվից, բարակ գոտիով - \$80

Քենդալ Ջենները կարծես կատարելության է հասցրել այսպես կոչված model-off-duty՝ «աշխատանքից դուրս մոդելի» ոճը:

Անկախ նրանից՝ նա օգտանալական է գնում, թե դուրս է գալիս ժամադրության, Ջենների կերպարները սովորաբար կառուցված են դասական ու պարզ իրերի շուրջ՝ ջինս եւ հիմնական վերնաշապիկ: Այս ամառ մենք ոգեշնչվել էինք նրա՝ սովորական շապիկները տարբեր կերպ համադրելուց, սակայն վերջին կերպարները հուշում են, որ աշխարհը նրա նախընտրած տարբերակը կարող է լինել երեք քառորդ թելով, ավելի նրբագեղ եւ կիպ նստող վերնաշապիկը:

Այս մոդելը հիանալի է անցումային եղանակի համար. այն բավական թեթեւ է տաք օրերին կրելու համար, բայց միաժամանակ ավելի հավաքված տեսք ունի: Իսկ մարմնին մոտ սիլուետը թույլ է տալիս այն հեշտությամբ համադրել թե՛ առօրյա, թե՛ ավելի կոկիկ կերպարների հետ:

Ջենները այս վերնաշապիկը մուգ կապույտ ջինսի հետ կրել է երկու անգամ: Առաջին կերպարում նա այն համադրել էր



նրբագեղ բալետկաների, իսկ երկրորդում՝ նույնքան դասական սեւ մատնաթափերի հետ: Երկու կերպարներն էլ ապացուցում են, որ այս համադրությունը կարող է դառնալ զգեստապահարանի հուսալի «համագգեստը»՝ հարմար ինչպես առօրյա, այնպես էլ ավելի էլեգանտ առիթների համար:

Quince-ի երեք քառորդ թելով վերնաշապիկը պատրաստված է բամբակի եւ էլաստանի խառնուրդից, ինչի շնորհիվ այն շնչող է եւ միաժամանակ ունի փոքր-ինչ ձգվող հատկություն: Բարակ ռիբավոր գործվածքը վերնաշապիկին հետաքրքիր հյուսվածք է հաղորդում, իսկ լայն boat-neck՝ նավակաձեւ բացվածքը, կերպարին ավելի կանացի շեշտադրում է տալիս:

Քենդալ Ջենների ընտրած սեւ գույնին գրեթե նույնական տարբերակից բացի, վերնաշապիկը հասանելի է նաեւ մոխրագույն, սպիտակ եւ վարսակի գույնի տարբերակներով:

Այս մոդելն արդեն հասցրել է դառնալ գնորդների սիրելին. այն ունի ավելի քան 19,000 կարծիք: Գնորդներից մեկը այն նկարագրել է որպես «փափուկ, շնչող եւ շատ բարձրորակ»: Մեկ այլ հաճախորդ նշել է, որ այն սովորական T-shirt-ներից «ավելի հարմարավետ» է եւ «ավելի հավաքված տեսք է հաղորդում»: Երրորդ գնորդն ընդգծել է դրա բազմաֆունկցիոնալությունը՝ անվանելով այն «հիանալի շերտավորման տարբերակ աշխարհում»:

Կերպարն ամբողջացնելու համար կարելի է ընտրել նույնքան մուգ երանգի ուղիղ կտրվածքով ջինս, որը սեւ վերնաշապիկի եւ համապատասխան աքսեսուարների հետ միասին ստեղծում է մաքուր ու ձգված սիլուետ:

Իսկ եթե Ջենների սեւ մատնաթափերը ավելի շատ ամառային տրամադրություն են հաղորդում, աշխարհում համար կարելի է ընտրել սեւ բալետկաներ կամ փակ, հարթ կոշիկներ: Երեք քառորդ թելով այս վերնաշապիկի փոխարեն նմանատիպ տրամադրություն կարելի է ստանալ նաեւ կարճաթել, scoop-neck բացվածքով T-shirt-ի կամ դասական, մարմնին կիպ նստող երկարաթել վերնաշապիկի միջոցով:

Պարզ, հարմարավետ եւ միաժամանակ նրբագեղ՝ Քենդալ Ջենների այս համադրությունը հենց այն աշխարհային բանաձեւն է, որը հեշտությամբ կարելի է ներառել ամենօրյա զգեստապահարանում:

ՄԱՐԶԱԿԱՆ

ՏԵՂԱՓՈԽՎԵՑ ԻՍՊԱՆԻԱ

Հայաստանի հավաքականի 25-ամյա կիսապաշտպան Էդգար Սեփիկյանը վարձակալությամբ տեղափոխվել է իսպանական երկրորդ դիվիզիոնը (La Liga 2) ներկայացնող «Սեուտա»:

Նրա տրանսֆերային իրավունքը պատկանում է հունգարական «Ֆերենցվարոշին», գրում է sport.news.am-ը:

«Սեուտա» ՖԱ-ն համաձայնության է եկել «Ֆերենցվարոշի» հետ ֆուտբոլիստ Էդգար Սեփիկյանի տրանսֆերի վերաբերյալ, ով մինչեւ մրցաշրջանի ավարտը վարձավճարով կիսադա «Սեուտայում»:

Էդգար Սեփիկյանը (Մոսկվա, Ռուսաստան, օգոստոսի 8, 2001թ.) ֆուտբոլիստ է, ով ունի հստակ հարձակողական ոճ, կարող է խաղալ ինչպես աջ եզրային, այնպես էլ հարձակողական կիսապաշտպանի դիրքերում: Նա աչքի է ընկնում իր գերազանց հարվածներով, հատկապես միջին եւ հեռու տարածություններից, ինչպես նաեւ իր ուշագրավ տեսլականով եւ գուլային փոխանցումներ կատարելու ունակությամբ:

«Սեուտա» ակումբի նոր խաղացողը փորձ ունի ինչպես ազգային, այնպես էլ միջազգային մրցաշարերում: Նա ներկայացրել է Ռուսաստանը երիտասարդական հավաքականներում, իսկ ավելի ուշ խաղացել է Հայաստանի ազգային հավաքականում: Նա նաեւ փորձ ունի եվրոպական մրցաշարերում արժեքավոր փորձ բերելով «Սեուտա» ակումբի մարզական նախագծին:

«Լեւանտի» երիտասարդական թիմի միջով անցնելով՝ Սեփիկյանը շարունակել է իր կարիերան Իսպանիայից դուրս, նախքան հունգարական ֆուտբոլին միանալը, որտեղ էլ անցկացրել է իր կարիերայի մի մասը:

Այսպիսով, «Սեուտան» ծեռք է բերում տաղանդավոր, տեխնիկական որակներ ունեցող եւ գրոհների վերջնամասում վտանգ ստեղծելու ունակությամբ ֆուտբոլիստի, ով «Ալֆոնսո Մուրոլե» է ժամանում իր ֆուտբոլային խաղը ցուցադրելու եւ թիմին մրցաշրջանի մնացած մասում նպատակների հասնելու հարցում օգնելու նպատակով:

Բարի գալուստ, Էդգար», - նշվում է «Սեուտայի» հաղորդագրությունում:

Անցած մրցաշրջանում Էդգար Սեփիկյանը վարձակալությամբ հանդես էր եկել ռուսական «Ակրոնում»:

«Սեուտան» ընթացիկ մրցաշրջանի առաջին երեք տուրներում նույնքան պարտություն է կրել գուլերի 1:10 տարբերությամբ եւ վերջին տեղում է:

ՆՇԵԼ Է ԳԼԽԱՎՈՐ ՀԱՎԱԿՆՈՐԴՆԵՐԻՆ

Football Meets Data վերլուծական հարթակի մասնագետները գործարկել են սուպերհամակարգիչն ու հաշվարկել թիմերի՝ 2026/27 մրցաշրջանի ՈւԵՖԱ-ի Չեմպիոնների լիգայում հաղթելու թարմացված հնարավորությունները:

Ըստ հաշվարկների՝ եվրոպական հեղինակավոր մրցաշարում հաղթելու ամենաբարձր շանսերն ունի ֆրանսիական

ՊՍԺ-ն: Փարիզյան ակումբի հաղթանակի հավանականությունը գնահատվում է 13 տոկոս, ինչը նրանց հնարավորություն է տալիս երրորդ տարին անընդմեջ նվաճել չեմպիոնական տիտղոսը:

Երկրորդ տեղում Մյունխենի «Բավարիան» է՝ 10.5 տոկոս հավանականությամբ: Լավագույն եռյակը եզրափակում է կատալոնական «Բարսելոնան», որի շանսերը գնահատվում են 10.3 տոկոս: Նույնքան՝ 10.3 տոկոս հավանականություն ունի նաեւ Լոնդոնի «Արսենալը»:

Լավագույն տասնյակում ընդգրկված մյուս ակումբների հաղթանակի շանսերը բաշխվել են հետևյալ կերպ.

- Մադրիդի «Ռեալ» - 9.5 տոկոս
- «Մանչեսթեր Սիթի» - 8.3 տոկոս
- «Լիվերպուլ» - 6.4 տոկոս
- «Մանչեսթեր Յունայթեդ» - 4.4 տոկոս
- Մադրիդի «Ատլետիկո» - 2.9 տոկոս
- Միլանի «Ինտեր» - 2.9 տոկոս
- Լավագույն տասնյակից դուրս գտնվող թիմերից համեմատաբար բարձր ցուցանիշներ ունեն «Նապոլին» (2.4 տոկոս), Դորտմունդի «Բորուսիան» (2.2 տոկոս), «Լայպցիգը» (1.8 տոկոս), «Ասթոն Վիլան» (1.8 տոկոս), «Ռոման» (1.8 տոկոս), «Վիլյառեալը» (1.7 տոկոս), «Կոմոն» (1.6 տոկոս) եւ «Բետիսը» (1.4 տոկոս):

Հիշեցնենք, որ Չեմպիոնների լիգայի 2026/27 մրցաշրջանի լիգայի փուլը մեկնարկում է սեպտեմբերի 8-ին եւ կտեւի մինչեւ 2027 թվականի հունվարի 27-ը: Առաջին տուրի հանդիպումները բաշխված են երեք օրերի վրա՝ սեպտեմբերի 8 (երեքշաբթի), սեպտեմբերի 9 (չորեքշաբթի) եւ սեպտեմբերի 10 (հինգշաբթի):

ՄԱՐԶԱԿԱՆ

«ՌԵԱԼ»-ՈՒՄ ԲԱՐԿԱՑԱԾ ԵՆ

Մադրիդի «Ռեալը» կարգապահական վարույթ է սկսել թիմի պաշտպան Ռաուլ Ասենսիոյի դեմ: Պատճառը դարձել է ֆուտբոլիստի կողմից ոչ սթափ վիճակում տրանսպորտային միջոց վարելու վերաբերյալ դատարանի կայացրած որոշումը: Այս մասին հաղորդում է իսպանական COPE ռադիոկայանը, գրում է armsport-ը:

Միջադեպը տեղի է ունեցել 2026 թվականի օգոստոսի 16-ին Գրան Կանարիայի հարավում: Իրավապահները կանգնեցրել են Ասենսիոյին, երբ նա վարելիս է եղել իր «Պորշ» մակնիշի ավտոմեքենան: Ստուգման արդյունքում պարզվել է, որ ֆուտբոլիստի արյան մեջ ալկոհոլի պարունակությունը չորս անգամ գերազանցել է թույլատրելի նորման: Որպես պատիժ՝ դատարանը պաշտպանին ութ ամսով զրկել է վարորդական իրավունքից եւ պարտավորեցրել վճարել 14 400 եվրո տուգանք:

Մադրիդյան ակումբում կարծում են, որ խաղացողի այս արարքը զգալի վնաս է հասցրել «Ռեալի» հեղինակությանն ու իմիջին, ուստի չեն բացառում հավելյալ պատժամիջոցների կիրառումը:

Հիշեցնենք, որ 2025 թվականի ամռանը պաշտպանը երկարաձգել էր գործող պայմանագրի ժամկետը «արքայական» ակումբի հետ մինչեւ 2031 թվականը:

«ՆՎԱՍՏԱՑՐԻՆ ԵՎ ՎԻՐԱՎՈՐԵՑԻՆ»

Իսպանական «Դեպորտիվոյի» 37-ամյա հարձակվող Պյեր-Էմերիկ Օբամեյանգը հայտարարել է Գաբոնի ազգային հավաքականից հեռանալու մասին՝ նշելով, որ իրեն վիրավորված ու նվաստացած է զգում, հայտնում է armsport-ը:

Ավելի վաղ Գաբոնի կառավարությունը «հովազների» պատմության լավագույն ռմբարկուին մեղադրել էր 2026 թվականի Աֆրիկայի ազգերի գավաթի խաղարկությունում թիմի տապալման համար, ինչից հետո ժամանակավորապես ցրել էր հավաքականը:

«Ինձ նվաստացրել եւ արատավորել են, թեեւ ես Աֆրիկայի գավաթում խաղում էի վնասվածքով: Սա վերջին կաթիլն էր, եւ ես որոշեցի կանգ առնել այստեղ», - հարձակվողի խոսքերն է մեջբերում Trt Afrika-ն:

Սա առաջին դեպքը չէ, երբ Օբամեյանգը հիասթափության պատճառով հայտարարում է հավաքականում կարիերան ավարտելու մասին. 2023 թվականին նա նման որոշում էր կայացրել իր քաղաքական մեկնաբանությունների հետեւանքով առաջացած խնդիրներից հետո:

Նշենք, որ Գաբոնի հավաքականը՝ Սեբաստիեն Մինիեի գլխավորությամբ, ընդգրկվել է 2027 թվականի Աֆրիկայի ազգերի գավաթի ընտրական փուլի A խմբում, որտեղ նրա մրցակիցներն են լինելու Մարոկկոյի, Նիգերի եւ Լեսոթոյի ազգային թիմերը:

● 3. Թումանյանի անվան ազգային տիկնիկային թատրոնում սեպտեմբերի 13-ին՝ ժամը 12:00-ին, կկայանա «Եւ Նորից Կարմիր Գլխարկ» ներկայացումը:



ԿԱՐԳ

ՀԱՐՑ. Որտե՞ղ կարող է դիմել գորակոչի սարխի ՀՀ ֆաղափացին, եթե գտնվում է ՀՀ սահմանից դուրս եւ չի կարող սեփական միջոցներով վերադառնալ:

Գառնիկ Նիկողոսյան,
48 տարեկան



ՊԱՏԱՍԽԱՆ. Պարտադիր զինվորական ծառայության գորակոչին քաղաքացու ներկայությունն ապահովելու նպատակով համապատասխան տարածքային ստորաբաժանումը, իսկ քաղաքացու՝ օտարերկրյա պետությունում բնակվելու եւ տվյալ պետությունում Հայաստանի Հանրապետության դիվանագիտական ներկայացուցչությունում կամ հյուպատոսական հիմնարկում հաշվառված լինելու դեպքում դիվանագիտական ներկայացուցչությունը կամ հյուպատոսական հիմնարկը քաղաքացուն փաստաթղթային կամ էլեկտրոնային եղանակով ծանուցում են տարածքային ստորաբաժանում ներկայանալու պարտավորության մասին՝ ծանուցման մեջ նշելով տարածքային ստորաբաժանում ներկայանալու ժամկետը:

ՀՀ ՊՆ

ՀԱՍԱՐԱԿՈՒԹՅՈՒՆ

ՀԱՐՑ. Ովքե՞ր եւ ե՞րբ կարող են անվճար այցելել քանդադաններ:

Գայանե Կիրակոսյան,
55 տարեկան

ՊԱՏԱՍԽԱՆ. Համաձայն ՀՀ ԿԳՄՍ նախարարի 11.04.2023 թ. N 492-Ս/2 հրամանի՝ ՀՀ ԿԳՄՍ նախարարության ենթակայության թանգարաններ մշտական ցուցադրության անվճար այցելության արտոնություն է սահմանված հետեւյալ խմբերի համար՝
Հայաստան ժամանած պետական պաշտոնական պատվիրակությունների անդամների,
Հայաստանում հավատարմագրված դիվանագիտական ներկայացուցիչների,
Թանգարանների միջազգային խորհրդի անդամների (ԻԿՕՍ) համար,
թանգարանային աշխատողների,
երկկողմանի ծնողազուրկ 12 տարեկանից բարձր տարիքի երեխաների,
հատուկ խնամքի եւ կենցաղային սպասարկման կարիք ունեցող ծերերի,
Երկրորդ համաշխարհային պատերազմի մասնակիցների (Հայաստանի Հանրապետության եւ Նախկին ԽՍՀՄ պետությունների),
հաշմանդամություն ունեցող՝ 1-ին խմբի (ուղեկցողի հետ),
հաշմանդամություն ունեցող՝ 2-րդ եւ 3-րդ խմբերի (առանց ուղեկցողի),
աղքատության (ընտանեկան) նպաստի համակարգում ընդգրկված նպաստառուների,
բազմազավակ ընտանիքների 12 տարեկանից բարձր երեխաների,
ժամկետային զինծառայողների,
Հայաստանի Հանրապետության սահմանամերձ շրջանների 12 տարեկանից բարձր դպրոցական տարիքի երեխաների (նախօրոք ներկայացված հայտերի հիման վրա),
լրագրողների՝ աշխատանքային բոլոր օրերին (անձը եւ կարգավիճակը հաստատող փաստաթղթի առկայության դեպքում):
Նույն հրամանով սահմանված է նաեւ, որ Հայաստանի Հանրապետության քաղաքացիների համար յուրաքանչյուր ամսվա վերջին շաբաթ օրը թանգարանների մուտքն ազատ է:

ՀՀ ԿԳՄՍ

ԼՈՒՐ ԿԱՂԴ

Լուսանկարը՝ Գագիկ Շամշյանի



Ավտոմեքենայի եւ մոտոցիկլի բախում Կոտայքի մարզում. Երեւան-Սեւան ավտոճանապարհին մոտոցիկլը բախվել է ճանապարհի թույլատրելի հատվածում կայանված «Nissan X-Trail»-ին. մոտոցիկլավարը տեղափոխվել է հիվանդանոց:

ԲԱԺԱՆՈՐԴԱԳՐՈՒԹՅՈՒՆ

Մեր թերթը Բաժանորդագրվելու համար կարող եք դիմել



«Հայփոստ» ՊԺԲԸ
հեռ. 51-45-46, 51-45-47

«Բլից-Մեդիա» ՍՊԸ
հեռ. 52-53-01

Առաքումը՝ ԱՆՎՃԱՐ:

Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (**010 54-64-23** հեռախոսահամարով), եւ մենք անպայման կանդրադառնանք ձեր բարձրացրած բոլոր խնդիրներին:

ԱՌԱՋԱՐԿ
հայկական տպագիր մամուլից

«Ժողովուրդ» օրաթերթին բաժանորդագրվելու համար կարող եք լրացնել հետեւյալ բլանկը:
Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____
Ազգանուն՝ _____
Առաքման հասցե՝ _____
Բջջային եւ/կամ քաղաքային հեռախոս՝ _____

ԵՂԱՆԱԿԻ ՏԵՍՈՒԹՅՈՒՆ



	Շիրակ	+ 7 + 17 + 19 + 24
	Կոտայքի լեռներ	+ 7 + 10 + 19 + 23
	Կոտայքի նախալեռներ	+ 13 + 15 + 24 + 27
	Գեղարքունիք	+ 7 + 11 + 17 + 21
	Լոռի	+ 9 + 13 + 19 + 23
	Տավուշ	+ 9 + 13 + 20 + 23
	Արագածոտնի լեռներ	+ 7 + 10 + 19 + 23
	Արագածոտնի նախալեռներ	+ 12 + 16 + 23 + 28

	Արարատ	+ 14 + 17 + 26 + 29
	Արմավիր	+ 14 + 17 + 27 + 30
	Վայոց ձորի լեռներ	+ 7 + 10 + 16 + 20
	Վայոց ձորի նախալեռներ	+ 14 + 18 + 27 + 30
	Սյունիքի լեռներ	+ 7 + 10 + 13 + 16
	Սյունիքի նախալեռներ	+ 9 + 12 + 17 + 21
	Սյունիքի հովիտներ	+ 17 + 21 + 24 + 28
	Երեւան	+ 15 + 17 + 31 + 33

Լրատվական գործունեությունն իրականացնող՝
«Ժողովուրդ թերթի խմբագրություն» ՍՊԸ
Հասցեն՝ ք. Երեւան, Արշակունյաց 22՝/3, հեռ՝ **010 54-64-23**
Պետական գրանցման վկայականի համարը՝ 03Ա089086
տրված է 24.11.2010
Ստորագրված է տպագրության **03.09.2026**
Տպաքանակ՝ 3968

Գլխավոր խմբագիր՝
ՔԱՐՈ ՄԱՆՈՒԿՅԱՆ

Տպագրված է «ԳԻՆԴ» տպարան ՍՊԸ հրատարակչությունում
խմբագրություն հանձնված նյութերը չեն գրախոսվում եւ
չեն վերադարձվում, **Գ** նշանով նյութերը գովազդային
հրապարակումներ են, որոնց համար խմբագրությունը
պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս
կամ ընթացիկ մեջբերումներ անելիս պետք է պարտադիր գրառել
հետեւյալ նախադասությունը. «Շարունակությունը կարող եք կարդալ
«Ժողովուրդ» օրաթերթի այսօրվա համարում»: